



Future-proofing our children

Tiisezo 2

Toho ya Tuto: Buniti bwa Mulimu

Buka ya Bashemi

Sikolo sa la Sunda sa mwa malapa



Balatiwa Bashemi

Mwa amuhelwa kwa tuto yeli: **“Buniti bwa Mulimu ”** Tiisezo 2.Pampili ye imifa liseli nyana kamo mukona kulutela tuto ye.

Mo mu kona ku itukiseza ni kufa tuto

Ze tatama ki zeñwi zeo mu swanela ku ezeza mwa ku itukiseza ni ku fela tuto ye.

Muhato	Sa kueza
1	<p>Mu kene fa likepe la Keleke ya ba Apositola ba Banca, ka ku sebelisa likepe le fa WhatsApp:</p> <p>https://bit.ly/3NACSSHS</p>
2	<p>Mu be ni lisebeliso ze tatama kuli mu kone ku itukiseza kufa hande tuto:</p> <ul style="list-style-type: none"> • Bibebe • Mapampili a lukisizwe kale a tuto ye. • Buka mwa sebeleza mwanana, lipotoloto ni lipendisio za banana, ni zeñwi cwalo. • Maswaniso aku buha a lukisizwe a kona ku sebeliswa ku ekeza fa halimu a tuto (ha ku konahala) • Katekisema ni buka ya lipuzo ni likalabo (Kwa banana ba bali mwa litopa za Tiisezo) <p>Mamela:</p> <p>2.1: Nako yende yakufa tuto ki la Sunda ka kusasani, ka samulaho a sebelezo, sina banana ha ba fiwanga lituto ka nako yeo.</p> <p>2.2. Mukupiwa ku eza tuto ye bukuswani ha ku konahala, ka ku hupula nako nyana yeo banana ba kona ku teezeza ni ku utwisisa hande.</p> <p>(Mu sike mwa bulela ze sa ami tuto) ya mwanana – Ki mina mu ziba ahulu mwana mina ni ku fita.</p> <p><i>Ka mulao, sikolo sa la Sunda hasi swaneli ku fitelela mizuzu ye mashumi a mane nito tu keta lizoho (45 minutes).</i></p> <p>2.3: Lituto li kauhanyizwe ka litopa (Sikolo sa la Sunda, Lituto ya Bibebe ni Tiisezo - SS1, RI1 or Confirmation).</p> <p>2.4: Mulizeze kapa ku ikopanya ni muluti wa sikolo sa la Sunda ha mu tokwa tuso kwa lisebeliso ze bulezwi.</p>
3	<p>Mu lapele (Mubone tapelo ye ñozwi, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela.</p>



Kufa tuto ya tiisezo mwa malapa

Mo mu kona ku itukiseza ni kufa tuto

Lu zwelapili ku ikabela mikwa yeo muswanela ku itukiseza ni kufa tuto

Muhato	Sa kueza
4	Mu eze sibaka sa tuto kuba se sinde (ku sina lilata) fo mina ni mwanana mu bani buino bo buswana. <i>Ka mutala:</i> Mu ine fa lishasha/ fa museme kapa fa lipula ku potoha tafule
5	Mu bale tuto ye lukisizwe. Mu kutele ku ibala hape kuli mui utwisise hande. Mu buhe maswaniso a tuto kuli mube ni kutwisiso hande
6	Mu iñolele tu ñusanyana twa butokwa to mubata ku hupula ha mufa tuto.
7	Mu iñolele tu ñusanyana twa butokwa to mubata ku hupula ha mufa tuto.
8	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
10	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la sunda (I also want to...)
11	Mu lapele kapa mu kupe mwanana kuli a lapele kaku kwala tuto.

Lisebeliso ze fumaneha kuama Sikolo sa mwa malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze likepe la WhatsApp la ku ikambota tuto ye ni mabasi a mañwi a sikolo sa la sunda.
2. Mu ambole ni bashemi ba bañwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisisa litaba zeñwi kuama tuto ye.



Tuto

Toho ya tuto	Buniti bwa Mulimu
Timana ya Bibebe	Joani 18: 28 – 40; Joani 19: 1 – 16; Joani 3: 5 ni Joani 4: 3
Katekisema & Lipuzo ni Likalabo	Kauhanyo ya 5, lipuzo ni likalabo 353-358
Mutomo/ Butokwa bwa Tuto	Banana ba tiisezo ba cinca bupilo bwa bona kuya ka buniti bwa Mulimu.

Tuto ye kusufalizwe:

Likande le li amana ni musali muhulu, muzwahule ni mubeleki wa mwa sintolo sa lico:

Musali muhulu a ipela mulo mwa mukeke, ili mwa sintolo sa lico, a lifa mu amuheli wa mashelefi ni kuyo ina fa tafule fone ku sina mutu. A lemuha kuli na libezi kunga luswana, kacwalo a yema kuyonga luswana. Ha yo kuta a fumana munna ya na inzi fa tafule ya hae inga cha mulo mwa mukeke wa hae.

Ka kubunyemi, a ina ku talimana ni munna yoo, mi na bata ku mubuza. Ni hakuli cwalo, na bonahala ku sa utwa puwo ya mwa naha mo, Ki ha sa beya munwanwa wa hae mwa mukeke wa mulo. Munna yo a fa lumenyo ni ku kasheza mukeke fa hala tafule. Bubeli bwa bona cwale ba ca mulo woo.

Ka samulaho, munna yo a yema, a laeza ni ku ikela. Musali muhulu ni ena a ikela. Mubeleki wa mwa sintolo a kala ku kenisa fa tafule. Na boni ka moo musali muhulu na izo ikungela mukeke wa mulo ni ku yo ina fa tafule ya nombolo ya buketalizoho.

Mubeleki hape na swanela ku kenisa kwa mafelelezo a mwa muyaho. A bona musali muhulu ha funduka. Mubeleki ha sa kutile fa tafule ya buketa lizoho, ato fumana mukeke wa mulo inge usa tezi. Kiñi musali muhulu hana sika ca mulo wa hae?

Buniti: Musali muhuli na libezi luswana. Ku fita kuli hasa kutile ato ina fa tafule ya hae, na izo ina fa taule ya muzwahule mi na izo ca mwa mulo wa muzwahule.

Buniti bwa buntu:

Yo muñwi ni yomuñwi wa batu ba babalalu na bulela ka mukwa o shutana ku amana ni taba iliñwi. Lu toloka lika kaufela ku ya ka moo lu libonela. Fo kumwi lukutelanga lika ze lu utwile feela, lu sika li bona mi kacwalo ha lu koni kuli tiiseza.

Fa lu bata ku mamela luli. ili kuli lu sike lwa bulela lika ze sina biniti hande bwa mutu yo muñwi kamba ku atula litaba ka mafosisa, kakuli mwa taba ni taba lu boni kamba ku utwa feela kalulo nyana ya likande.

Ha lu kutela licika la biniti, kuna ni kozi ya kuba lipaki za buhata mi taba ye ki ku loba mulao wa bu lobapeli. U sike wa tameleza wa henu taba ya buhata.

Lika ze talu za butokwa: Likelezo ku zwelela ku munna ya butali

Sa pili: Se si bizwa “buniti” Kana u ikolwisize kuli zo bata kuni bulelela ki za niti pili usika ni bulelela zona nji?



Sa bubeli: Mukekecima/Sishemo – kana u bata kuni bulela litaba zeo ku ezeza batu ba bamwi kamba ki kuli ubata kuni eza hande”

Sa bulalu: Butokwa/ butusi. Kana so bata kuni bulelela ki sa butokwa mi sa tokwahala nji.

Ka cwalo haiba u bata ku bulelela yo muñwi likande le lisi la niti, leli sina sishemo kamba le lisi la bitokwa, ki hande kuli u ipulukele lona.

Buniti bwa Mulimu – Jesu Krete ki niti mi hape u tiiselizwe ku ba niti. Jesu na bulezi mwa lituto za hae kuli ku pepiwa sinca ka mezi ni moya ki mutomo wa ku kena mwa mubuso wa Mulimu. Jesu hape na sepisize kuli uka kuta ku to lunga. Haiba inge lu lumela mwa sepiso ye ka pila kaufela ni ku pila bupilo bo bu tabisa Mulimu, lu kayo kena mwa mubuso wa Mulimu.

Kanti tuto ye italusa sika mañi ku luna kacenu?

Lu bata ku pila bupilo bo butabisa Mulimu ni ku cinca bupilo bwa luna kuya ka buniti bwa Mulimu.

Lipuzo zemwi ze lukona ku buza:

1. Musali muhulu na lekile sika mañi kwa sintolo sa lico?

Kalabo: Mukeke wa mulo..

2. Manzwi a mulao wa bulobapeli ki afi?

Kalabo: U sike wa tameleza wa henu taba ya buhata

3. Ki lika lifi ze talu ze munna ya butali na bulezi mwa likande la hae?

Kalabo: 1 = biniti; 2 = mukekechima/sishemo ni 3 = butokwa/butusi

4. Mutomo wa ku kena mwa mubuso wa Mulimu ku ufi?

Kalabo: Ku pepiwa sinca ka mezi ni moya, mwa manzwi a mañwi kolobezo ni moya o kenile.

5. Se si ezahala ki sika mañi ha lu cinca bupulo bwa luna kuya ka lisepiso za Mulimu?

Kalabo: Lu ka pila pila bupilo bo butabisa Mulimu.

Mañusa a ekelizwe balatiwa bashemi

1. Sina ka ku eza musebezi, mwana min uswanela ku ituta manzwi a **buitamo bwa tiisezo.**

Manzwi ki a latelela:

“Ni hana satani ni misebezi ya hae kaufela, mi ni ineela ku wena, Mulimu halalu: Ndate, Mwana ni Moya o kenile. Mwa tumelo, ni buikokobezo ku inelela mwa ku sepahala ku wena, ku fita mafelelezo aka”.



Tapelo ya Bondate ni Boma pili tuto isika tateka kale:

Mulimu ya maata ndata luna wa kuya kuile, lwa itumela kwa lizazi le linde le.

Ka buitumelo, lu inamisa litho za luna ku wena kacenu ni ku itumela kwa nako yemwi hape ya ku ituta.

Lwa kupa ulu tuse hape kacenu, lu utwisise ni ku swala tuto ye, kono sa butokwa lu sebelise tuto ye mwa Bupilo bwa luna bwa ka zazi.

Lu kupa ze mwa libizo la Jesu. - Amen